

The Observer

22.10.2021

Surat berita mingguan, The Observer kini tersedia dalam Bahasa Melayu. Versi terjemahan akan dimuat naik pada setiap hari Isnin. Sila layari www.mswg.org.my untuk maklumat lanjut.

Ikuti juga akaun Twitter MSWG di @MSWGMalaysia dan kongsikan pendapat anda tentang ciapan kami dari semasa ke semasa.

❖ Kebimbangan terhadap ESG mempengaruhi harga saham perladangan

Terdapatnya jurang atau sifar hubungan antara prestasi harga saham bagi saham perladangan yang tersenarai di Bursa Malaysia dengan harga minyak sawit mentah adalah petanda yang baik yang menunjukkan bahawa mengambil mudah faktor ESG (alam sekitar, sosial dan tadbir urus) boleh mendatangkan mudarat terhadap penilaian saham dalam jangka masa panjang.

Sifirnya mudah. Industri perladangan mungkin menumpang kegembiraan dan mengambil kesempatan terhadap harga minyak sawit mentah yang melambung ke tahap tertinggi, justeru memberikan sumbangan positif kepada aliran pendapatan, keuntungan dan hasil dividen bagi syarikat perladangan awam yang disenaraikan. Namun, impaknya terhadap harga saham mereka hanyalah sekelumit.

Pada saat ini, Indeks Perladangan Kuala Lumpur cuma berdiam diri dan tidak memberikan apa-apa reaksi positif terhadap kenaikan harga niaga hadapan minyak sawit mentah walaupun harganya pada Oktober 2021 telah meningkat melepas RM5,000/tan metrik kepada paras tertinggi sepanjang masa iaitu RM5,050 sewaktu dagangan intra hari pada 6 Oktober 2021.

Pada 20 Oktober, kontrak niaga hadapan minyak sawit mentah untuk November 2021 meningkat RM125 kepada RM5,300/tan metrik. Niaga hadapan Disember 2021 melonjak RM134 kepada RM5,177/tan metrik manakala niaga hadapan Januari 2022 meningkat RM127 kepada RM5,071/tan metrik.

Kenaikan harga minyak sawit mentah disokong oleh banyak faktor, terutamanya bekalan yang terhad dan permintaan yang tinggi dari China yang kini berdepan krisis bekalan tenaga. Oleh itu, penganalisis menjangkakan negara tersebut mungkin meningkatkan pengambilan minyak sawit untuk dijadikan bahan api biologi.

Sebab-sebab lain termasuklah prospek untuk inventori yang lebih rendah di Malaysia, permintaan yang kukuh serta kebimbangan terhadap pengeluaran oleh peladang utama yang mungkin tidak memenuhi jangkaan (disebabkankekangan bekalan tenaga kerja). Pembukaan semula ekonomi selepas tamatnya penguatkuasaan

sekatan pergerakan akibat Covid-19 juga meningkatkan penggunaan makanan dan bahan bakar berasaskan minyak yang boleh dimakan.

Oleh yang demikian, walaupun Indeks Perladangan Kuala Lumpur (KLPI) telah melonjak 8% kepada 6,917.23 mata pada 6 Oktober (daripada 6,404.24 pada 5 Oktober), namun indeks tersebut tidak begitu mencerminkan harga semasa minyak sawit mentah yang sedang melambung. Kita juga masih belum dapat memastikan kemampunan kenaikan harga minyak sawit mentah ini.

Daripada mata kemuncak dalam tempoh dua tahun iaitu 7,779.07 pada 2 Januari 2020, KLPI telah mencecah titik terendah pada 19 Mac 2020 iaitu 5,532.03, sehari selepas penguatkuasaan Perintah Kawalan Pergerakan pertama (MCO 1.0). Walau bagaimanapun, ia beransur-ansur meningkat tidak lama kemudian kepada paras tertinggi baru-baru ini iaitu 7,483.12 pada 13 Januari 2021, sebelum disatukan semula dengan kecenderungan menurun.

Secara keseluruhan, KLPI menyusut 4% sehingga tarikh terkini kepada 7,027.47 mata pada 20 Oktober 2021 daripada 7,329.50 pada 4 Januari 2021 walaupun menurun sedikit kepada 6,324.49 pada 4 Oktober 2021.

Alam sekitar, sosial dan tadbir urus (ESG)

Melihat minat belian yang besar dalam kaunter perladangan daripada dana asing, ramai pemerhati pasaran berpendapat bahawa pelabur yang peduli perihal ESG ini telah pun menyuarakan kebimbangan mereka ke dalam keputusan pelaburan mereka.

Apabila melihat penelitian yang tinggi diberikan terhadap sektor ini terutama yang berpunca daripada serangan serentak berkaitan eksloitasi buruh paksa dan pemusnahan alam sekitar, menjadi amalan biasa bagi penganalisis dan pelabur untuk mengenakan diskaun ESG di antara 15% hingga 35% apabila membuat penilaian saham perladangan mereka. Sejak kebelakangan ini juga, rumah penyelidikan telah pun memperkenalkan penarafan bintang ESG yang sejajar dengan skor ESG pemain industri.

Tanpa berbasa basi, sekiranya pelabur asing menjual saham-saham perladangan mereka, penilaian mungkin akan merudum lebih teruk.

"Kami percaya ESG akan tetap menjadi faktor pelembab yang memberi kesan kepada penilaian jangka sederhana, sekurang-kurangnya sehingga segelintir pemain utama dapat menyelesaikan isu berkaitan buruh paksa," kata penganalisis RHB Research, Hoe Lee Leng dalam perkembangan terkini sektor perladangan serantau yang bertarikh 13 September 2021.

Rumah penyelidikan ini mengekalkan prospek "underweight" kepada sektor ini kerana ia menjangkakan diskaun ESG tetap akan dikenakan, yang akan mempengaruhi prestasi harga saham.

Sementara itu, dalam tinjauan sektor bertarikh 7 September 2021, penganalisis penyelidikan Hong Leong Investment Bank, Chye Wen Fei, membuat pemerhatian bahawa walaupun harga saham pulih baru-baru ini, prestasi syarikat perladangan

(seperti yang diwakili oleh Indeks Perladangan Kuala Lumpur) masih ketinggalan berikutan adanya perhimpunan membantah harga minyak sawit mentah yang disebabkan kebimbangan terhadap ESG dalam sektor ini serta keraguan terhadap kelestarian harga minyak sawit mentah.

"Kami percaya kebimbangan terhadap isu ESG telah pun dicerminkan dalam penilaian sektor ini kerana kebanyakannya pemain (lebih-lebih lagi pemain bersaiz besar yang menjadi tumpuan berikutan isu ESG) telah pun berusaha untuk menangani isu ESG ini. Pegangan saham asing pula berada pada tahap paling rendah selepas berbilang tahun," ujar Chye, memberikan justifikasi.

Dalam tinjauan sektor terbarunya bertarikh 15 Oktober 2021, MIDF Research menyatakan bahawa sektor perladangan tempatan masih berdepan cabaran dari negara-negara Barat serta beberapa akta dan perundangan seperti strategi Farm-to-Fork, Arahan Sumber Tenaga Boleh Diperbaharui Kesatuan Eropah (RED) dan Dasar Kesatuan Eropah mengenai Hutan dan Penebangan hutan.

"Kita dapat melihat bahawa pengimport terbesar adalah India dan China. Walau bagaimanapun, Amerika Syarikat dan Eropah yang paling banyak membuat aduan," ujar penganalisis Shahira Rahim dalam suatu perkembangan berkaitan sektor perladangan. "Faktor yang membimbangkan kita adalah pengaruh yang digunakan oleh negara-negara Barat ini."

Persepsi pasaran yang negatif

Meskipun begitu banyak manfaat yang ditawarkan oleh minyak sawit yang ternyata fleksibel dan produktif, MIDF Research berpendapat bahawa industri kelapa sawit Malaysia masih dibelenggu pelbagai tanggapan yang salah.

Pada Februari 2021, syarikat pengeluar makanan Amerika Syarikat iaitu General Mills telah mengeluarkan arahan "tiada tempahan pembelian" terhadap FGV Holdings Bhd (FGV) dan Sime Darby Plantation Bhd. FGV dan Sime Darby Plantation juga pernah berdepan sekatan oleh Jabatan Kastam dan Perlindungan Sempadan Amerika Syarikat (CBP) ekoran dakwaan pelanggaran hak asasi manusia tahun lalu.

Pengeluar coklat Hershey menyatakan bahawa pembekal Amerika Utara telah menyingkirkan kesemua produk Sime Darby, selaras dengan arahan yang dikeluarkan oleh kerajaan AS.

Beberapa pembeli termasuk Nestle, Unilever dan Hershey telah menggantung FGV sejak 2018 selepas pemerhati industri, Meja Bulat Mengenai Minyak Sawit Lestari (RSPO) mendapatkan berlaku amalan buruh paksa dalam syarikat itu.

Sebagai tindak balas kepada semua persepsi ESG yang negatif, Majlis Minyak Sawit Malaysia (MPOC) pada 2019 telah menggubal beberapa dasar baharu yang dinamakan "Perjanjian Hijau" Malaysia bagi meningkatkan kemampuan industri minyak sawit.

Antara lain, dasar tersebut melibatkan (i) menghadkan jumlah kluasan tanaman kelapa sawit kepada 6.5 juta hektar; (ii) tiada penanaman baharu kelapa sawit di kawasan tanah gambut; (iii) larangan penukaran hutan simpan untuk penanaman

pokok kelapa sawit dan (iv) menyediakan peta ladang kelapa sawit yang boleh diakses oleh orang ramai.

Bagi berlaku adil, walaupun pelbagai usaha telah dilakukan untuk meningkatkan piawaian ESG dalam kalangan pemain industri perladangan, ia masih sukar diterima. Ini berikutan salah faham atau agenda perdagangan yang dirancang oleh negara maju terhadap minyak sawit yang bertujuan melindungi kepentingan penanam kacang soya.

Walaupun penebangan hutan adalah salah satu masalah yang sukar ditangani dalam industri kelapa sawit, kajian baharu oleh badan tidak berdasarkan keuntungan, Institut Sumber Dunia (WRI) yang meninjau imej satelit global antara tahun 2000 dan 2015 mendapati daripada 72 juta hektar hutan yang ditebang (yang berkeluasan sekali ganda keluasan negara Jerman), penternakan lembu (industri daging lembu) bertanggungjawab ke atas 45.1 juta hektar (63%) diikuti oleh minyak kelapa sawit (10.5 juta hektar atau 14.6%) dan kacang soya (7.9 juta hektar atau 11%).

Menurut Majlis Minyak Sawit Malaysia, penanaman kelapa sawit merangkumi kawasan paling sedikit dari segi saiz tanah pertanian dunia iaitu hanya 0.23% berbanding minyak sayuran lain, misalnya bunga matahari (0.51%), biji sesawi (0.67%) dan kacang soya (paling banyak pada 2.14%).

Apabila dilihat dari segi produktiviti, pokok kelapa sawit berjaya menghasilkan 4.08 tan hasil minyak sehektar dalam tempoh setahun manakala biji sesawi, bunga matahari dan kacang soya masing-masing hanya menghasilkan sekitar 0.75 tan, 0.60 tan dan 0.38 tan hasil minyak sehektar.

Walaupun menggunakan jumlah keluasan tanah yang paling sedikit, kelapa sawit memberikan hasil minyak paling tinggi iaitu 11 kali ganda lebih banyak minyak berbanding kacang soya, bunga matahari (10 kali ganda) dan kanola (tujuh kali ganda) sehektar setahun. Dengan kata lain, tanaman kacang soya memerlukan 10 kali lebih keluasan tanah untuk menghasilkan jumlah minyak kacang soya yang sama dengan minyak sawit.

Kesimpulannya

Kian ramai pelabur kini mempertimbangkan faktor bukan kewangan terutamanya ESG sebagai sebahagian daripada proses analisis mereka untuk mengenal pasti risiko ketara dan peluang pertumbuhan.

Sesetengah syarikat awam tersenarai berselindung di sebalik persepsi namun, malang sekali kerana persepsi ini membentuk realiti. Syarikat awam tersenarai perlu bekerja lebih keras untuk menangkis persepsi tersebut bagi membolehkan realiti menjalankan peranannya.

Walaupun metrik ESG bukanlah sebahagian daripada pelaporan kewangan yang mandatori, namun semakin banyak syarikat melakukan penzahiran dalam laporan tahunan mereka atau dalam laporan kelestarian yang berasingan.

Pelbagai institusi seperti Lembaga Piawaian Perakaunan Kelestarian (SASB), Inisiatif Pelaporan Global (GRI) dan Pasukan Petugas Khas Mengenai Pendedahan

Kewangan Berkaitan Iklim (TCFD) sedang berusaha membentuk piawaian dan menentukan materialiti untuk memudahkan penggabungan faktor-faktor ini ke dalam proses pelaburan.

Selaras dengan peningkatan dalam permintaan terhadap pelaburan ESG, muncul beberapa trend utama seperti perubahan iklim, keadaan tempat kerja yang tidak sesuai, standard tadbir urus yang merangkumi kepemimpinan syarikat, gaji eksekutif, audit, kawalan dalaman dan hak pemegang saham. Banyak dana amanah, firma pembrokeran dan penasihat robot kini menawarkan produk yang mengaplikasikan kriteria ESG.

Pandemik Covid-19 jelas sekali telah memperhebat keterkaitan antara faktor kemampunan dan sistem kewangan. Peristiwa yang berlaku dalam kes harga minyak sawit mentah dan harga saham syarikat perladangan tersenarai menunjukkan kita kesan dan akibat kegagalan mematuhi piawaian ESG yang diinginkan, akan mencetuskan jurang atau sifar hubungan antara kedua-dua harga tersebut.

Devanesan Evanson
Ketua Pegawai Eksekutif

Tinjauan Mingguan AGM/EGM MSWG untuk tempoh 25 hingga 29 Oktober 2021

Berikut adalah AGM/EGM syarikat-syarikat di bawah senarai pemantauan Badan Pengawas Pemegang Saham Minoriti (MSWG) pada minggu ini.

Ringkasan perkara penting disenaraikan di bawah, manakala butiran terperinci soalan yang diajukan kepada syarikat boleh didapati di laman web MSWG di www.mswg.org.my

Tarikh dan Masa	Syarikat	Tinjauan Ringkas
26.10.21 (Selasa) 10.00 pagi	IOI Corporation Bhd (AGM)	Keuntungan sebelum cukai IOI untuk tahun kewangan 2021 yang berjumlah RM1.74 bilion adalah 110% lebih tinggi berbanding RM0.83 bilion pada tahun sebelumnya. Ini disebabkan oleh keuntungan yang lebih tinggi bagi segmen perladangan dan segmen pembuatan berdasarkan sumber. Sementara itu, terjemahan tukaran mata wang asing mencatatkan keuntungan berjumlah RM125.4 juta pada tahun kewangan 2021 berbanding kerugian terjemahan sebanyak RM207.9 juta pada tahun kewangan 2020. Kumpulan berharap akan merekodkan

		prestasi kewangan yang lebih baik pada tahun kewangan 2022, disokong oleh prestasi yang kukuh daripada segmen perladangan berikutnya harga minyak sawit mentah yang tinggi dan peningkatan prestasi daripada segmen pembuatan berasaskan sumber.
26.10.21 (Selasa) 10.00 pagi	Eurospan Holdings Bhd (AGM)	Produk syarikat adalah sepenuhnya untuk pasaran eksport dan ia mencatatkan prestasi yang baik walaupun sewaktu pandemik. Namun begitu, Syarikat perlu mengambil langkah proaktif untuk mengurangkan kos penghantaran yang semakin meningkat yang boleh mengelakkan marginnya.
26.10.21 (Selasa) 09.30 pagi	Nylex (Malaysia) Bhd (AGM)	Nylex mencatatkan pendapatan yang lebih tinggi pada tahun kewangan 2021 iaitu berjumlah RM1.15 bilion, yang mewakili peningkatan 1.4% daripada RM1.136 bilion pada tahun kewangan 2020. Ini berikutan sumbangan yang lebih tinggi daripada segmen Pengedaran Kimia Industri. Sejakar dengan pendapatan yang lebih tinggi, Nylex mencatatkan keuntungan sebelum cukai berjumlah RM26.4 juta.
26.10.21 (Selasa) 10.30 pagi	Nylex (Malaysia) Bhd (EGM)	Nylex ingin mendapatkan kelulusan pemegang saham untuk melupuskan keseluruhan perniagaan dan akan janjinya kepada Ancom Berhad dengan balasan RM179.3 juta. Selepas melupuskan keseluruhan perniagaannya, Nylex akan dikategorikan sebagai syarikat tunai dan dikehendaki menyelaraskan syarikat dengan memperoleh perniagaan teras baharu dalam tempoh 12 bulan akan datang.
26.10.21 (Selasa) 12.00 tengah hari	Ancom Logistics Bhd (AGM)	Pada tahun kewangan 2021, Kumpulan mencatatkan pendapatan yang lebih rendah

		berjumlah RM30.5 juta (tahun kewangan 2020: RM30.9 juta). Walaupun pendapatan lebih rendah, keuntungan sebelum cukai meningkat daripada RM2.1 juta kepada RM2.3 juta pada tahun kewangan 2021. Ini disebabkan oleh pelaksanaan pemotongan kos dan prestasi yang lebih baik dalam aktiviti pegangan pelaburan. Perniagaan trak amat terkesan oleh pandemik Covid-19 berikutan penguatkuasaan langkah-langkah pembendungan yang menyebabkan banyak pelanggannya terpaksa mengehadkan atau menghentikan sementara operasi mereka, lantas mengurangkan jumlah urus niaga.
26.10.21 (Selasa) 02.30 petang	Ancom Bhd (AGM)	Pendapatan Ancom meningkat 4.5% tahun ke tahun kepada RM1.54 bilion pada tahun kewangan 2021. Ia melaporkan keuntungan bersih paling tinggi dalam tempoh tiga belas tahun serta membalikkan kedudukan kerugian bersih RM9.7 juta pada tahun kewangan 2020 kepada keuntungan bersih berjumlah RM23.8 juta pada tahun kewangan 2021. Peningkatan dalam pendapatan adalah disebabkan oleh prestasi yang memberangsangkan dalam Bahagian Kimia Pertanian dan Bahan Kimia Industri, yang mendapat manfaat daripada kenaikan harga komoditi global.
26.10.21 (Selasa) 03.30 petang	Ancom Bhd (EGM)	Ancom ingin mendapatkan kelulusan pemegang saham untuk memperoleh perniagaan Nylex (Malaysia) Bhd pada harga RM179.3 juta dan menukar namanya kepada "Ancom Nylex Berhad".
27.10.21 (Rabu) 10.00 pagi	Fibon Bhd (AGM)	Walaupun masih mencatatkan keuntungan, prestasi kewangan Fibon mengalami kemerosotan sepanjang lima tahun terakhir.

		Pendapatan Fibon bagi tahun kewangan 2021 menyusut 8.29% kepada RM12.49 juta berbanding RM13.62 juta pada tahun sebelumnya. Sejajar dengan penyusutan pendapatan, keuntungan bersihnya juga merosot daripada RM2.15 juta kepada RM1.72 juta dalam tempoh yang sama.
27.10.21 (Rabu) 11.00 pagi	Glomac Bhd (AGM)	Kumpulan melaporkan keuntungan yang lebih tinggi pada tahun kewangan 2021 dengan keuntungan kasar meningkat 28% tahun ke tahun kepada RM114.2 juta, manakala keuntungan sebelum cukai melonjak 188% kepada RM58.1 juta. Pada masa yang sama, penggearan bersih Kumpulan meningkat kepada 0.25x dana pemegang saham pada akhir tahun kewangan 2021 berbanding 0.28x pada 30 April 2020.
27.10.21 (Rabu) 10.00 pagi	TAS Offshore Bhd (AGM)	Kumpulan TAS merekodkan pendapatan berjumlah RM34.9 juta pada tahun kewangan 2021, meningkat 115.7% berbanding RM16.18 juta pada tahun lepas. Peningkatan ini didorong oleh peningkatan bilangan kapal yang dihantar. Keuntungan sebelum cukai bagi tahun berjumlah RM2.83 juta berbanding kerugian sebelum cukai sebanyak RM75.22 juta pada tahun sebelumnya. Berlatarkan ekonomi global yang dijangka pulih, Kumpulan secara aktif mencari pelanggan baru dari segmen pasaran baharu untuk menambah portfolio pelanggannya bagi meningkatkan pertumbuhan jualan.
27.10.21 (Rabu) 02.30 petang	Hong Leong Bank Bhd (AGM)	Walaupun berhadapan persekitaran operasi yang

		<p>mencabar pada tahun kalender 2020, Hong Leong Bank mencatatkan pertumbuhan pendapatan sebanyak 14.4% kepada RM5.47 bilion pada tahun kewangan 2021. Keuntungan bersih pula mencatatkan rekod peningkatan berjumlah RM2.86 bilion, 14.7% lebih tinggi daripada tahun sebelumnya.</p> <p>Pencapaian ini disokong oleh pendapatan yang lebih tinggi, pengurusan kos yang berkesan dan sumbangan yang tinggi daripada rakan sekutu.</p>
27.10.21 (Rabu) 02.30 petang	Oriental Holdings (AGM)	<p>Prestasi kewangan Oriental Holdings pada tahun kewangan 2020 banyak dipengaruhi oleh penguatkuasaan Perintah Kawalan Pergerakan, permintaan pelanggan yang lebih rendah serta kelewatan rancangan perbelanjaan modal.</p> <p>Oleh yang demikian, ia mencatatkan pendapatan yang lebih rendah berjumlah RM3.4 bilion (2019: RM5.2 bilion) dan keuntungan sebelum cukai berjumlah RM107.9 juta (2019: RM458.9 juta) bagi tahun kewangan 2020.</p> <p>Syarikat akan terus mengharungi cabaran yang mendarat serta membuat penilaian terhadap pilihan pelaburan dengan sewajarnya demi kesejahteraan Kumpulan pada masa hadapan.</p>
27.10.21 (Rabu) 03.00 petang	EcoFirst Consolidated Bhd (AGM)	<p>Pendapatan EcoFirst menyusut 71.7% tahun ke tahun kepada RM42.4 juta pada tahun kewangan 2021 berbanding RM150 juta pada tahun kewangan 2020. Walaupun pendapatan mengalami penurunan mendadak, ia berjaya mengekalkan keuntungan</p>

		bersihnya yang berjumlah RM13.6 juta dalam tempoh kewangan yang ditinjau.
28.10.21 (Khamis) 09.00 pagi	Apollo Food Holdings Bhd (AGM)	<p>Kumpulan Apollo mencatatkan pendapatan tahunan yang lebih tinggi berjumlah RM190.4 juta pada tahun kewangan 2021, dengan peningkatan 8.8% tahun ke tahun, manakala keuntungan bersih melonjak 21.7% kepada RM17.3 juta (tahun kewangan 2020: RM14.2 juta). Ini berikutan penarikbalikan kerugian rosot nilai daripada Hartanah, Loji dan Peralatan serta keuntungan daripada nilai saksama pelaburan lain.</p> <p>Lembaga Pengarah menjangkakan Kumpulan akan berdepan tahun yang mencabar. Ia akan melaksanakan langkah-langkah berhemat serta meningkatkan kecekapan operasi bagi mengekalkan margin keuntungan sedia ada tanpa menjadikan kualiti produknya.</p>
28.10.21 (Khamis) 10.00 pagi	IOI Properties Group Bhd (AGM)	<p>Pendapatan Kumpulan meningkat 17% pada tahun kewangan 2021 kepada RM2.49 bilion. Keuntungan sebelum cukai juga meningkat kepada RM1.08 bilion, berbanding RM946.8 juta pada tahun kewangan 2020.</p> <p>Peningkatan ini sebahagian besarnya disumbangkan oleh prestasi jualan yang lebih tinggi daripada segmen perniagaan pembangunan hartanah walaupun berdepan pandemik Covid-19.</p>
28.10.21 (Khamis) 10.00 pagi	Kein Hing International Bhd (AGM)	Sejajar dengan peningkatan pendapatan, Kein Hing mencatatkan keuntungan bersih berjumlah RM11.9 juta bagi tahun kewangan 2021 berbanding RM2.6 juta yang dilaporkan pada tahun lepas, dengan lonjakan ketara sebanyak RM9.3 juta atau 358%.

		Syarikat mengaitkan prestasi kewangan yang lebih baik dengan peningkatan kecekapan melalui pelaksanaan pelbagai sistem pembuatan serta langkah-langkah pengurangan kos terutama sewaktu penularan wabak Covid-19 pada suku pertama tahun kewangan.
28.10.21 (Khamis) 10.00 pagi	KUB Malaysia Bhd (AGM)	Menurut KUB, perniagaan gas petroleum cecairnya menghadapi persaingan yang lebih sengit disebabkan peningkatan bilangan pesaing dan terdapatnya produk pengganti seperti gas asli dan gas asli cecair. LPG merupakan penyumbang pendapatan terbesar KUB untuk tempoh kewangan 2021, menyumbang 77% (atau RM451.03 juta) jualan kepada Kumpulan.
28.10.21 (Khamis) 10.00 pagi	LB Aluminium Bhd (AGM)	Keuntungan sebelum cukai Kumpulan meningkat sebanyak RM42.3 juta atau 633% kepada RM49.0 juta pada tahun kewangan 2021 disebabkan oleh sumbangan yang lebih tinggi daripada Segmen Aluminium.
28.10.21 (Khamis) 10.00 pagi	Hong Leong Financial Group Bhd (AGM)	HLFG mencatatkan keuntungan bersih berjumlah RM2.27 bilion pada tahun kewangan 2021, dengan peningkatan 21.9% berbanding tahun kewangan sebelumnya. Keuntungan yang lebih tinggi itu didorong oleh prestasi yang lebih baik dalam perniagaan perbankan, insurans, pembrokeran saham dan perbankan pelaburan.
28.10.21 (Khamis) 11.00 pagi	Lay Hong Bhd (EGM)	EGM ini bertujuan mendapatkan kelulusan pemegang saham bagi cadangan pengambilalihan baki 50% kepentingan ekuiti dalam Sri Tawau Farming Sdn Bhd (STF) daripada Mackan Holding Sdn Bhd dengan balasan RM28 juta, yang akan dipenuhi melalui

		<p>terbitan 80 juta saham biasa baharu dalam Lay Hong pada harga terbitan RM0.35 setiap saham.</p> <p>Ia juga ingin mendapatkan kelulusan pemegang saham untuk pengecualian yang dicadangkan di bawah Perenggan 4.08(1)(A) peraturan pengambilalihan, percantuman dan pengambilan paksa bagi pemegang saham pengawal, Dato' Yap Hoong Chai dan orang yang bertindak bersama-sama dengannya, daripada tanggung jawab untuk melaksanakan tawaran pengambilalihan mandatori bagi memperoleh baki saham biasa dan waran dalam Lay Hong yang belum dimiliki oleh mereka selesai Cadangan Pengambilalihan STF. Cadangan Pengecualian ini berfungsi untuk memudahcarakan Cadangan Pengambilalihan STF.</p>
28.10.21 (Khamis) 11.00 pagi	Widetech (M) Bhd (AGM)	Walaupun terdapat peningkatan dalam pendapatan, Kumpulan mencatatkan kerugian sebelum cukai berjumlah RM1.213 juta pada tahun kewangan 2021, berbanding keuntungan sebelum cukai berjumlah RM0.765 juta pada tahun kewangan 2020. Syarikat bersekutunya, Goldshore Capital Limited, melaporkan sumbangan keuntungan berjumlah RM1.817 juta. Walau bagaimanapun, ini telah diimbangi dengan hapus kira sekali sahaja ke atas jumlah terhutang daripada syarikat bersekutu berjumlah RM5.439 juta, mengakibatkan kerugian keseluruhan bagi Kumpulan dalam tahun kewangan 2021.
28.10.21 (Khamis) 11.30 pagi	Widetech (M) Bhd (EGM)	Widetech ingin mendapatkan kelulusan pemegang saham untuk cadangan pelaksanaan pemecahan saham yang melibatkan pembahagian setiap

		satu Saham Biasa sedia ada dalam Widetech kepada lima Saham Widetech.
28.10.21 (Khamis) 02.30 petang	Pensonic Holdings Bhd (AGM)	Situasi pandemik mempengaruhi dinamik aktiviti membeli-belah dalam talian yang mana ia mengubah lanskap pembelian pengguna. Disebabkan itu, Syarikat mencatatkan lonjakan 504% dalam keuntungan bersih bagi tahun kewangan 2021 disebabkan peningkatan permintaan untuk peralatan elektrik sewaktu pandemik. Syarikat perlu mempertimbangkan untuk menyalurkan lebih banyak sumber kepada platform dalam taliannya kerana sebahagian besar jualan dibuat melalui platform ini. Justeru, syarikat juga harus membuat keputusan sama ada perlu mengurangkan kedai fizikalnya dalam masa terdekat.
29.10.21 (Jumaat) 10.00 pagi	Komarkcorp Bhd (AGM)	Berikut diversifikasi perniagaan Komarkcorp kepada pembuatan dan jualan pelitup muka pada tahun 2020, ia kini meletakkan sasaran untuk menjadi pengeluar pelitup muka terbesar di Asia Tenggara. Walaupun telah mencebur perniagaan pelitup muka pada Jun 2020, pendapatan Komarkcorp menyusut daripada RM39.55 juta pada tahun kewangan 2020 kepada RM37.63 juta pada tahun kewangan 2021. Kerugian bersihnya meningkat kira-kira 50% kepada RM15.96 juta daripada RM10.71 juta pada tahun sebelumnya. Syarikat telah mengalami kerugian sejak tahun kewangan 2017.

Perkara penting untuk diketengahkan:

Syarikat	Perkara/ Isu Untuk Diketengahkan
IOI Corporation Bhd (AGM)	Sebagai sebahagian daripada program penanaman semula Kumpulan, lebih 7,000 hektar pokok-pokok

	<p>selepas tempoh matang telah ditanam semula pada tahun kewangan 2021 menggunakan bahan penanaman kelapa sawit yang mengeluarkan hasil yang lebih tinggi. Walau bagaimanapun, keluasan kawasan yang ditanam semula adalah lebih kecil berbanding sasaran awal Kumpulan iaitu kira-kira 12,000 hektar, sebahagiannya disebabkan oleh langkah-langkah sekatan yang terkandung dalam prosedur operasi standard berkaitan pandemik (halaman 15, Laporan Tahunan 2021).</p> <p>Apakah perkembangan terkini penanaman semula Kumpulan? Adakah Kumpulan dapat mencapai sasaran jadual penanaman semula untuk tahun kewangan berakhir 2022?</p>
Eurospan Holdings Bhd (AGM)	<ol style="list-style-type: none"> 1. Syarikat amat bergantung kepada tenaga pekerja untuk mengeluarkan produknya. <ol style="list-style-type: none"> a) Apakah nisbah pekerja asing kepada jumlah keseluruhan tenaga kerjanya pada masa ini? b) Kerajaan mengenakan peraturan dan undang-undang yang lebih ketat untuk pengambilan pekerja asing. Apakah rancangan Syarikat untuk mengatasi situasi ini? 2. Jumlah yuran fungsi audit dalaman Syarikat pada tahun kewangan berakhir 2021 adalah RM16,000. (Halaman 21, Laporan Tahunan 2020) <ol style="list-style-type: none"> a) Melihat yurannya yang rendah (kira-kira RM1,333.00 sebulan), bagaimanakah jawatankuasa audit meyakinkan diri tentang kecukupan liputan dan keberkesanan fungsi audit? b) Apakah bidang yang dirangkumi oleh juruaudit dalaman pada tahun kewangan berakhir 2020? c) Berapakah jumlah laporan audit dalaman yang dikeluarkan pada tahun kewangan berakhir 2021?
Nylex (Malaysia) Bhd (AGM)	<p>Selepas pelupusan keseluruhan perniagaan Nylex dan aku janji kepada Ancom Berhad, Nylex merancang untuk membelanjakan RM11.25 juta daripada hasilnya untuk memperoleh perniagaan dan aset baharu dalam tempoh 12 bulan akan datang.</p> <p>Adakah Lembaga sedang berbincang dengan mana-mana pihak untuk memperoleh perniagaan/aset baharu selepas cadangan ini dilaksanakan? Sekiranya ya, industri apakah yang melibatkan pihak-pihak ini?</p>

	<p>Adakah pemegang saham pengawal, Datuk Siew Ka Wei berhasrat menyuntik asetnya ke dalam Nylex?</p>
Ancom Logistics Bhd (AGM)	<p>Amalan 4.2 Kod Tadbir Urus Korporat Malaysia (MCCG) menyatakan bahawa “Jika lembaga pengarah berhasrat untuk mengekalkan seorang pengarah bebas melebihi sembilan tahun, ia perlu memberikan justifikasi dan mendapatkan kelulusan tahunan pemegang saham. Jika lembaga pengarah terus mengekalkan seorang pengarah bebas selepas tahun kedua belas, lembaga perlu mendapatkan kelulusan tahunan pemegang saham melalui proses undian dua peringkat.”</p> <p>En. Lim Hock Chye (“En. Lim”) dan En. Safrizal Bin Mohd Said (“En. Safrizal”) telah berkhidmat dalam lembaga pengarah sebagai Pengarah Bukan Eksekutif Bebas, masing-masing selama 18 tahun 10 bulan dan 17 tahun 11 bulan. Lembaga akan mendapatkan persetujuan pemegang saham bagi Resolusi 9 dan Resolusi 10 untuk mengekalkan En. Lim dan En. Safrizal supaya terus memegang jawatan sebagai Pengarah Bebas Syarikat sehingga berakhirnya mesyuarat agung tahunan Syarikat yang seterusnya. Lembaga Pengarah telah memutuskan untuk tidak melaksanakan proses undian dua peringkat bagi mendapatkan persetujuan tersebut (Halaman 101, Laporan Tahunan 2021).</p> <p>Merujuk surat jawapan Syarikat yang bertarikh 16 Oktober 2019 dan 21 Oktober 2020 kepada surat Badan Pengawas Pemegang Saham Minoriti (MSWG), masing-masing bertarikh 7 Oktober 2019 dan 13 Oktober 2020, Syarikat memberi maklum balas bahawa lembaga pengarah akan membincangkan perkara ini dan mempertimbangkan cadangan MSWG untuk menerima pakai proses undian dua peringkat itu.</p> <p>Apakah kebimbangan lembaga pengarah dalam melaksanakan proses undian dua peringkat bagi resolusi untuk mengekalkan En. Lim dan En. Safrizal sebagai pengarah bebas?</p>
Ancom Bhd (AGM)	<p>Banjir, kebakaran hutan dan kemarau boleh menyebabkan kemasuhan tanaman, sekaligus mengurangkan permintaan untuk produk kimia pertanian. Bagi mengurangkan risiko tersebut, Kumpulan sentiasa meneroka dan memperluas pangkalan pelanggannya dengan merangkumkan pelanggan dari pelbagai kawasan (halaman 27, Laporan Tahunan 2021).</p> <p>Sejauh manakah kejayaan Kumpulan dalam meluaskan pangkalan pelanggannya secara geografi pada tahun</p>

	kewangan 2021 berbanding tahun kewangan 2020? Berapakah pertambahan jumlah pelanggan? Apakah perancangan Kumpulan pada masa hadapan?
Fibon Bhd (AGM)	<p>Pendapatan dan keuntungan selepas cukai Kumpulan mengalami trend penurunan dalam lima tahun kewangan terakhir. Pendapatan menyusut daripada RM18.481 juta pada tahun kewangan 2017 kepada RM12.48 juta pada tahun kewangan 2021 manakala keuntungan selepas cukai merudum daripada RM4.320 juta pada tahun kewangan 2017 kepada RM1.719 juta pada tahun kewangan 2021 (Halaman 10, Laporan Tahunan).</p> <p>Apakah rancangan dan strategi Kumpulan untuk meningkatkan prestasi perniagaan terasnya? Adakah Kumpulan merancang kepelbagaiannya dengan menceburi perniagaan baharu bagi memulihkan prestasi kewangan yangerosot?</p>
Glomac Bhd (AGM)	<p>Kumpulan membuat peruntukan yang lebih tinggi untuk ganti rugi tertentu dan ditetapkan (LAD) kepada pembeli berjumlah RM3.84 juta pada tahun kewangan 2021 berbanding RM0.27 juta pada tahun kewangan 2020. (Halaman 117, Laporan Tahunan)</p> <p>a) Apakah yang menyebabkan peningkatan peruntukan LAD pada tahun kewangan 2021? b) Apakah langkah yang diambil oleh syarikat supaya peruntukan LAD tidak terus meningkat?</p>
TAS Offshore Bhd (AGM)	<p>Harga minyak yang rendah mengakibatkan penurunan dalam permintaan untuk kapal sokongan luar pesisir (OSV) dan menjelaskan jualan dan harga kapal daripada jenis ini. Pada tahun kewangan 2021, Kumpulan telah menamatkan kontrak pembinaan kapal untuk OSV yang sedang dalam pembinaan. Kumpulan sedang aktif meninjau prospek jualan baharu dan pasaran untuk kapal daripada jenis lain (halaman 13, Laporan Tahunan 2021).</p> <p>a) Sila jelaskan lebih lanjut tentang prospek jualan baharu dan strategi pemasaran Kumpulan pada masa hadapan. Apakah peluang dan keutamaan pihak pengurusan untuk 12 bulan ke hadapan yang dapat mendorong pertumbuhan perniagaan? b) Bagaimanakah kumpulan mengimbangi saluran pendapatan atau projek dengan margin keuntungan ketika bersaing untuk mendapatkan projek?</p>
Hong Leong Bank Bhd (AGM)	Sumbangan keuntungan syarikat bersekutu HLB di China, Bank of Chengdu (BOCD) telah meningkat 14.1%

	<p>tahun ke tahun kepada RM721 juta atau 20.8% daripada keuntungan sebelum cukai HLB pada tahun kewangan 2021.</p> <ul style="list-style-type: none"> a) Sejauh manakah BOCD dipengaruhi oleh kejatuhan sektor harta tanah China yang menyaksikan lebih banyak pemaju harta tanah berdepan ancaman kegagalan membuat pembayaran? b) Apakah pendedahan pinjaman korporat dan runcit BOCD kepada sektor harta tanah? Adakah BOCD terdedah kepada Evergrande, syarikat gergasi harta tanah China yang bermasalah? c) Apakah risiko utama lain yang sedang dipantau oleh BOCD dalam tempoh terdekat?
Oriental Holdings Bhd (AGM)	<p>Amalan 4.2 Kod Tadbir Urus Korporat Malaysia (MCCG) menyatakan bahawa tempoh jawatan pengarah bebas tidak melebihi had tempoh kumulatif sembilan tahun. Setelah tamat tempoh sembilan tahun, seseorang pengarah bebas boleh terus berkhidmat dalam lembaga pengarah sebagai pengarah bukan bebas.</p> <p>Jika lembaga pengarah berhasrat untuk mengekalkan seorang pengarah bebas melebihi sembilan tahun, ia perlu memberikan justifikasi dan mendapatkan kelulusan tahunan pemegang saham. Jika lembaga pengarah terus mengekalkan seorang pengarah bebas selepas tahun kedua belas, lembaga perlu mendapatkan kelulusan tahunan pemegang saham melalui proses undian dua peringkat.</p> <p>Lembaga akan mengkaji keperluan mengadakan proses undian dua peringkat seperti yang digariskan oleh MCCG untuk menambah baik rangka kerja tadbir urus korporat Kumpulan dan mencadangkan tempoh sepuluh tahun untuk menerima pakai Amalan tersebut.</p> <p>Jangka masa sepuluh tahun adalah terlalu lama dan tidak munasabah. Penerapan Amalan ini perlu disegerakan, misalnya, 3 tahun atau kurang.</p>
EcoFirst Consolidated Bhd (AGM)	<ol style="list-style-type: none"> Dalam laporan segmen, bahagian pembangunan harta tanah melaporkan pendapatan daripada pelanggan luar berjumlah RM28.2 juta dan kerugian daripada operasi berjumlah RM1.43 juta pada tahun kewangan 2021. <p>Ini berbeza dengan tahun kewangan 2020 yang mana bahagian ini mencatatkan pendapatan daripada pelanggan luar berjumlah RM135.4 juta dan</p>

	<p>keuntungan daripada operasi berjumlah RM49.9 juta. (Halaman 124 dan 125, Laporan Tahunan)</p> <p>a) Apakah yang menyebabkan kerugian operasi pada tahun kewangan 2021 dan keuntungan pada tahun kewangan 2020?</p> <p>b) Apakah prospek bahagian pembangunan hartanah pada tahun kewangan 2022?</p> <p>2. Jumlah yuran untuk fungsi audit dalaman Kumpulan yang disumber luar kepada pihak ketiga untuk tahun kewangan 2021 adalah RM11,600. (Halaman 55, Laporan Tahunan)</p> <p>a) Melihat yurannya yang rendah (kira-kira RM967 sebulan), bagaimanakah jawatankuasa audit meyakinkan diri tentang kecukupan liputan dan keberkesanan fungsi audit?</p> <p>b) Juruaudit dalaman menjalankan audit dalaman ke atas Pujian Development Sendirian Berhad ("PDSB") yang meliputi perkhidmatan pelanggan, pengurusan kemudahan serta jualan dan pemasaran pada tahun kewangan 2021.</p> <ul style="list-style-type: none"> i. Mengapakah PDSB dipilih untuk audit pada tahun kewangan 2021? ii. Apakah penemuan juruaudit dalaman mengenai PDSB? iii. Apakah sumbangan PDSB terhadap pendapatan dan keuntungan Kumpulan pada tahun kewangan 2021?
Apollo Food Holdings Bhd (AGM)	<p>Pelbagai Perintah Kawalan Pergerakan yang dikuatkuasakan oleh Kerajaan Malaysia sejak Mac 2020 untuk membendung wabak Covid-19 telah menjelaskan operasi dan perniagaan Kumpulan kerana ia memberi kesan terhadap permintaan daripada pelanggan tempatan dan luar negara. Kumpulan menjangkakan tahun mendatang akan terus mencabar (halaman 36, Laporan Tahunan 2021).</p> <p>Memandangkan keadaan pasaran dijangka kekal mencabar, terutama dengan pandemik yang masih belum berakhir, bagaimanakah Syarikat berhasrat untuk meningkatkan jualannya di dalam dan luar negara? Apakah peluang-peluang berpotensi yang tersedia untuk Kumpulan dalam tempoh 12 bulan akan datang?</p>

IOI Properties Group Bhd (AGM)	<p>Kumpulan telah berjaya menender sebidang tanah pegangan pajak yang berkeluasan kira-kira 7,817.6 meter persegi (0.78 hektar) yang terletak di Marina View di Republik Singapura untuk pertimbangan tender berjumlah SGD1,508,000,101 (kira-kira RM4.68 bilion).</p> <ul style="list-style-type: none"> a) Apakah unjuran Nilai Pembangunan Kasar daripada tanah pegangan pajak yang diperoleh? b) Apakah pelan induk bagi tanah pegangan pajak yang diperoleh? c) Jika perolehan itu dibiayai sepenuhnya melalui pinjaman, penggearan bersih Kumpulan akan meningkat kepada 0.71 kali daripada 0.47 kali seperti yang dilaporkan dalam pekeliling kepada Bursa Malaysia pada 21 September 2021. <ul style="list-style-type: none"> i. Bagaimanakah Kumpulan merancang untuk membiayai perolehan tanah pegangan pajak ini? ii. Apakah jangkaan penggearan bersih Kumpulan selepas memuktamadkan pembiayaan tanah pegangan pajak ini?
Kein Hing International Bhd (AGM)	<p><u>Pembuatan</u></p> <ul style="list-style-type: none"> a) Berapakah kadar penggunaan kapasiti tahun semasa dan sebelumnya untuk kilang-kilang Kumpulan di Malaysia dan Vietnam? b) Apakah perkembangan pembinaan tambahan untuk kilang Kein Hing Thai Nguyen (Vietnam) Co., Ltd. (KHTV)? Adakah kerja-kerja pembinaan dijalankan mengikut jadual? Berapakah bajet yang diperlukan untuk mesin dan peralatan di kilang KHTV yang diperbesar? c) Apakah keupayaan pembuatan Kumpulan yang sedia ada? Apakah sasaran peningkatan produktiviti dan kecekapan pada tahun kewangan 2022? d) Operasi Kumpulan di Malaysia dianggap intensif pekerja. Kekangan dalam bekalan tenaga kerja di Malaysia dan kekurangan pekerja boleh menjelaskan prestasi Kumpulan dan kemampuannya untuk terus bersaing secara berkesan dalam industri. Kumpulan berusaha untuk mengurangkan risiko ini melalui pelbagai langkah (Halaman 22, Laporan Tahunan 2021).

	<p>Sejauh manakah kekangan bekalan tenaga kerja mempengaruhi operasi Kumpulan di Malaysia sehingga kini? Adakah langkah-langkah yang dilaksanakan oleh Kumpulan sudah cukup untuk mengurangkan risiko tersebut?</p>
KUB Malaysia Bhd (AGM)	<p>1) Pada 30 Jun 2021, wang tunai dan baki bank KUB meningkat 189% daripada RM146.63 juta kepada RM423.11 juta. Peningkatan tunai yang ketara ini disumbangkan oleh hasil daripada beberapa urus niaga nyahlabur sepanjang tempoh kewangan.</p> <p>Sepanjang tempoh kewangan, kadar faedah efektif purata berwajaran untuk deposit dalam bank berlesen adalah 2% (tahun kewangan 2019: 3.2%).</p> <p>a) Bagaimanakah KUB merancang untuk menggunakan wang tunai?</p> <p>b) Apakah pilihan yang ada untuk Kumpulan menghasilkan pulangan yang lebih baik daripada wang tunai ini?</p> <p>2) Selepas penjualan KUB Malua Plantation Sdn Bhd kepada Tradewinds Plantation Berhad dengan balasan RM10.55 juta pada April 2021, jumlah tertunggak daripada KUB Malua sebanyak RM18.56 juta telah dihapuskira. Ini menyebabkan kerugian pelupusan RM26.65 juta yang diiktiraf dalam penyata kewangan KUB (halaman 107, Laporan Tahunan 2021).</p> <p>a) Apakah tujuan pemberian pendahuluan antara syarikat kepada KUB Malua yang berjumlah RM18.56 juta ini?</p> <p>b) Mengapakah KUB tidak dapat mengutip kembali jumlah tersebut daripada KUB Malua?</p> <p>c) Mengapakah kerugian pelupusan berjumlah RM26.65 juta jauh lebih tinggi berbanding anggaran kerugian yang diumumkan sebelum ini iaitu RM18.9 juta (dalam pengumuman KUB bertarikh 8 April 2021)?</p>
LB Aluminium Bhd (AGM)	<p>Walaupun berdepan persekitaran perniagaan yang sukar dan terganggu, Kumpulan melaporkan keuntungan selepas cukai paling tinggi dalam sejarah iaitu RM40.6 juta pada tahun kewangan 2021 berbanding keuntungan selepas cukai berjumlah RM2.5 juta pada tahun kewangan 2020 (Halaman 56 & 60, Laporan Tahunan 2021). Ini menunjukkan lonjakan positif berjumlah RM38.1 juta atau 1,520%.</p>

	<p>a) Adakah prestasi yang bagus ini dapat diteruskan pada tahun kewangan 2022?</p> <p>b) Apakah kelebihan daya saing yang dimiliki oleh Kumpulan berbanding syarikat-syarikat lain dalam pasaran yang sama?</p>
Hong Leong Financial Group Bhd (AGM)	<p>Hong Leong Assurance Berhad (HLA) mencatatkan keuntungan bersih berjumlah RM259 juta pada tahun kewangan 2021, dengan peningkatan 83.4% tahun ke tahun. Peningkatan prestasi ini sebahagian besarnya disumbangkan oleh lebihan insurans yang lebih tinggi, keuntungan yang lebih tinggi daripada portfolio pelaburan ekuiti dan penyusutan liabiliti aktuari (yang disebabkan kadar faedah yang lebih tinggi diselaraskan oleh kerugian daripada nilai saksama bon).</p> <p>Apakah yang menyebabkan peningkatan dalam keuntungan daripada portfolio pelaburan ekuiti? Secara keseluruhan, bagaimanakah prestasi portfolio pelaburan HLA pada tahun kewangan 2021 dari segi peratus pertumbuhan dan jumlah pendapatan yang dicatatkan?</p>
Widetech (M) Bhd (AGM)	<p>Jumlah yuran fungsi audit dalaman Syarikat pada tahun kewangan berakhir 31 Mac 2021 adalah RM16,00.00 (Halaman 14, Laporan Tahunan 2021).</p> <p>Melihat yurannya yang rendah (kira-kira RM1,300 sebulan), bagaimanakah jawatankuasa audit meyakinkan diri tentang kecukupan liputan dan keberkesanan fungsi audit? Apakah bidang yang diliputi oleh fungsi audit dalaman? Berapa banyakkah laporan audit dalaman yang dikeluarkan dalam tempoh tersebut?</p>
Pensonic Holdings Bhd (AGM)	<p>Pensonic memperkenalkan Aplikasi Circlez sebagai langkah untuk melengkapkan penggabungan jenamanya. Aplikasi ini menyatukan kesemua jenama di bawah satu platform bagi menyediakan pendaftaran jaminan yang mudah, pengesahan maklumat jaminan yang lancar, sokongan pelanggan dan perkhidmatan yang tepat pada masanya, kemudahan membeli-belah dalam talian serta akses kepada ganjaran membeli-belah dan kemas kini tentang tawaran terkini. (Halaman 9, Laporan Tahunan 2021).</p> <p>a) Bagaimanakah sambutan pelanggan terhadap Aplikasi ini?</p> <p>b) Berapakah jumlah jualan yang diperoleh melalui Aplikasi ini pada tahun kewangan 2021?</p>

	c) Berapakah kos untuk membangunkan Aplikasi ini?
Komarkcorp Bhd (AGM)	<p>1) Menjawab pertanyaan Badan Pengawas Pemegang Saham Minoriti Berhad (MSWG) yang diajukan dalam mesyuarat agung tahunan tahun lalu berkaitan sumbangan keuntungan perniagaan baharu iaitu pengeluaran pelitup muka, Pengurusan menyatakan bahawa perniagaan baharu ini dijangka menyumbang 25% atau lebih keuntungan bersih kepada Syarikat menjelang April 2021.</p> <p>Bagaimanapun, perniagaan baharu ini mengalami kerugian pada tahun kewangan 2021 iaitu kerugian sebelum cukai berjumlah RM1.65 juta (halaman 139, Nota 32 - Maklumat segmen, Laporan Tahunan 2021).</p> <p>Apakah yang menyebabkan kegagalan Pengurusan mencapai jangkaan sumbangan keuntungan 25% atau lebih kepada Syarikat sebelum April 2021?</p> <p>2) Bab 9, Perenggan 9.21(2) Syarat-syarat Penyenaraian Pasaran Utama (MMLR) menghendaki syarikat menerbitkan ringkasan perkara-perkara utama yang dibincangkan dalam mesyuarat agung tahunan ke laman sesawang Syarikat sebaik sahaja tamat mesyuarat agung. Kegagalan menerbitkan ringkasan ini di laman sesawang korporat adalah pelanggaran MMLR.</p> <p>Pada 6 Oktober 2021, ringkasan perkara-perkara utama yang dibincangkan dalam mesyuarat agung tahunan Komarkcorp yang diadakan pada 22 Oktober 2020 tidak tersedia di laman sesawang Syarikat iaitu https://komark.com.my/agm-egm/.</p> <p>Sila muat naik ringkasan KMD ke laman sesawang anda dengan kadar segera.</p>

PEMANTAUAN KORPORAT MSWG

Devanesan Evanson, Ketua Pegawai Eksekutif, (devanesan@mswg.org.my)
 Linnert Hoo, Ketua, Penyelidikan & Pembangunan, (linnert.hoo@mswg.org.my)
 Norhisam Sidek, Pengurus, Pemantauan Korporat, (norhisam@mswg.org.my)
 Lee Chee Meng, Pengurus, Pemantauan Korporat, (chee.meng@mswg.org.my)
 Elaine Choo Yi Ling, Pengurus, Pemantauan Korporat, (elaine.choo@mswg.org.my)
 Lim Cian Yai, Pengurus, Pemantauan Korporat, (cianyai@mswg.org.my)
 Ranjit Singh, Pengurus, Pemantauan Korporat, (ranjit.singh@mswg.org.my)
 Rita Foo, Pengurus, Pemantauan Korporat, (rita.foo@mswg.org.my)
 Nor Khalidah Mohd Khalil, Eksekutif, Pemantauan Korporat, (khalidah@mswg.org.my)

PENDEDAHAN KEPENTINGAN

Berkenaan syarikat-syarikat yang dinyatakan, MSWG memiliki jumlah saham minimum dalam semua syarikat yang diliputi dalam surat berita ini.

PENOLAKAN TUNTUTAN

Surat berita ini dan isi kandungannya berserta semua hak-hak berkaitan dengannya termasuk hak cipta dimiliki oleh Badan Pengawas Pemegang Saham Minoriti Berhad, juga dikenali sebagai Minority Shareholders Watch Group (MSWG).

Isi kandungan dan pendapat yang dinyatakan di dalam surat berita ini adalah berdasarkan maklumat yang diperoleh daripada domain awam dan bertujuan untuk memberikan maklumat umum kepada pengguna dan adalah untuk rujukan sahaja. Usaha terbaik telah dilakukan untuk memastikan maklumat yang terkandung di dalam surat berita ini adalah tepat dan terkini pada tarikh penerbitan. Walaubagaimanapun, MSWG tidak membuat sebarang waranti nyata atau tersirat atas ketepatan atau kelengkapan maklumat dan pendapat yang terkandung di dalam surat berita ini. Tiada maklumat di dalam surat berita ini yang bertujuan atau patut dianggap sebagai syor untuk membeli atau menjual atau jemputan untuk melanggan sekuriti tertentu, pelaburan yang berkaitan atau mana-mana instrumen kewangan.

MSWG perlu diberikan perakuan bagi mana-mana bahagian surat berita ini yang diterbitkan semula.

MSWG tidak akan bertanggungjawab atau menanggung sebarang liabiliti atas kebergantungan kepada sebarang maklumat atau komen yang terkandung di dalam surat berita ini atau jika ianya diterbitkan semula oleh pihak ketiga. Semua pembaca atau pelabur dinasihatkan supaya mendapatkan nasihat perundangan atau nasihat profesional yang lain sebelum mengambil sebarang tindakan berdasarkan surat berita ini